



Broj: 0101- 3915-3 /18
Sarajevo, 25.10.2018. godine

Na osnovu člana 100. stav (3) i člana 103. stav (1) tačka a) Zakona o javnim nabavkama Bosne i Hercegovine („Službeni glasnik BiH“ broj: 39/14) i člana 59. Statuta Univerziteta u Sarajevu, a na preporuku Komisije za provođenje postupka javne nabavke robe – kompjuterska oprema putem konkurentskog zahtjeva, rektor Univerziteta u Sarajevu donosi:

ODLUKU

o usvajanju žalbe i poništenju postupka javne nabavke

Član 1.

Usvaja se djelimično žalba firme D&D Montaža d.o.o. Brčko, izjavljena po punomoćniku advokatu Draženu Nikoliću na Tendersku dokumentaciju br: 0101-3915-3/18 od 12.10.2018. godine za nabavku kompjuterske opreme, objavljene na portalu Agencije za Javne nabavke dana 12.10.2018. godine.

Član 2.

Poništava se postupak javne nabavke Kompjuterska oprema – LOT 1, putem konkurentskog zahtjeva, objavljen na Portalu Agencije za javne nabavke dana 12.10.2018. godine, broj obavještenja o nabavci: 999-7-1-126-3-51/18.

Član 3.

Ova Odluka će se objaviti na web stranici Univerziteta u Sarajevu www.unsa.ba.

Član 4.

Ova odluka stupa na snagu danom donošenja.

O b r a z l o ž e n j e

Na osnovu Odluke o pokretanju postupka javne nabavke broj: 0101-3915-1/18 od 11. 10. 2018. godine, Univerzitet u Sarajevu je pokrenuo postupak putem konkurentskog zahtjeva za dostavljanje ponuda za javnu nabavku robe –Kompjuterska oprema za potrebe Univerziteta u Sarajevu.

Za provođenje postupka predmetne javne nabavke, Odlukom broj: 0101-3915-2/18 od 11. 10. 2018. godine, imenovana je Komisija za javnu nabavku u sastavu: - Nina Begović ,predsjedavajući, Adnan Kafedžić,član, Mileva Piralčić, član, a za zamjenske članove su imenovani: Karmel Sokanović,Nina Dragičević i Sanel Sefer.

Obavještenje o nabavci broj: 999-7-1-126-3-51/18 objavljeno je na Portalu javnih nabavki dana 12. 10.2018. godine.

Iz Zapisnika Komisije za javnu nabavku je vidljivo da su u periodu koji je ostavljen za dostavljanje ponuda, tri ponuđača dostavili zahtjeve za pojašnjenjem tenderske dokumentacije. Ugovorni organ blagovremeno je odgovorio na postavljena pitanja kroz sistem e-nabavke. Ponuđač Elur d.o.o. je zahtijevao izmjenu Tenderske dokumentacije u dijelu koji se odnosi na rok za isporuku robe. Ugovorni organ je u djelimično uvažio zahtjev ponuđača Elur d.o.o. Kiseljak i izvršio ispravku Tenderske dokumentacije, te produžio rok za isporuku robe za LOT 1 na 30 dana. Ispravka obavještenja i Tenderske dokumentacije je izvršena 17.10.2018. godine.

Komisija za javnu nabavku je dana 22.10.2018. godine u 10,15 sati izvršila javno otvaranje blagovremeno prispjelih ponuda ponuđača: Network I d.o.o., Potporučnika Smajića 26, 76300 Bijeljina, Aspö rail d.o.o. Alipašina 53, 71000 Sarajevo, Elur d.o.o., Žrtava domovinskog rata 2, 71250 Kiseljak , Emado d.o.o., Azize Šaćirbegović 112, 71000 Sarajevo, Rebus d.o.o. Sarajevo, Derviša Numića 1a, 71000 Sarajevo. Na javnom otvaranju ponuda nije bilo prisutnih osoba ispred ponuđača. Komisija za javnu nabavku se sastala dana 22. 12. 2018. godine, radi pregleda i ocjene

ponuda, odnosno da bi utvrdila da li su ponuđači ispunili uslove iz člana 45. do 50. Zakona o javnim nabavkama koji su traženi Tenderskom dokumentacijom, kao i da bi utvrdila da li su ponuđači dostavili tehnički zadovoljavajuće ponude u skladu sa zahtjevima iz Tenderske dokumentacije i da li su kvalifikovani za vršenje predmetnih usluga. Komisija je konstatovala da su svi ponuđači dostavili tehnički zadovoljavajuće ponude te je dana 23.10.2018. godine, zakazala e-aukciju putem Portala Agencije za javne nabavke.

Nakon zakazivanja e-aukcije, na adresu Ugovornog organa je pristigla Žalba na tendersku dokumentaciju u postupku javne nabavke – konkurentski zahtjev za dostavu robe – kompjuterska oprema broj: 1391 od 18.10.2018. godine od firme „D&D Montaža“ d.o.o. Brčko putem punomoćnika advokata Dražena Nikolića iz Bijeljine.

Nakon zaprimanja žalbe Komisija je pristupila ocjeni blagovremenosti, dopuštenosti te da li je žalba izjavljena od ovlaštenog lica. U ocjeni blagovremenosti žalbe Komisija je utvrdila da ista blagovremena, obzirom da je predata na poštu žalitelja 18.10.2018. godine, što je u skladu sa članom 99 stav, (3) Zakona o javnim nabavkama BiH („Službeni glasnik BiH“ broj: 39/14), ali je istu Ugovorni organ zaprimio 22.10.2018 godine nakon izvršenog otvaranja zaprimljenih ponuda. U skladu sa članovima ZJN 97 i 101, Komisija je utvrdila da je žalba dopuštena i izjavljena od ovlaštenog lica.

Žalitelj u svojoj žalbi navodi: Ugovorni organ nije ostavio mogućnost nuđenja ekvivalenta u Obrascu za cijenu ponude za LOT 1 stavka 1; stavka 4; i stavka 5; odnosno u specifikaciji predmeta nabavke je naveo brand procesora Intel i grafičke kartice Intel HD graphics. Time se Ugovorni organ poziva na tačno određenog proizvođača komponenti, a da nije ostavio mogućnost nuđenja ekvivalenta niti je dao raspon ili minimalne tehničke karakteristike procesora i grafičke kartice – žalbeni navod je osnovan. Žalitelj dalje navodi da je Ugovorni organ u LOT-u 1 predmetne tenderske dokumentacije, za predmetne stavke javne nabavke broj 4. i 5. zahtijevao da predmeti nabavke budu brendirani bez jasnog određenja šta ovakav navod znači – žalbeni navod nije osnovan.

S obzirom na činjenicu da je Ugovorni organ dana 22.10.2018. godine izvršio otvaranje zaprimljenih ponuda, a nakon što je isti dan istekao rok za dostavu ponuda, Ugovorni organ nije u mogućnosti izvršiti ispravku Tenderske dokumentacije, te je odlučio kao u dispozitivu.

Ugovorni organ ne priznaje zahtjev žalitelja za naknadu zahtjevanih troškova.

POUKA O PRAVNOM LIJEKU:

Žalba na Odluku o poništenju postupka izjavljuje se Uredu za razmatranje žalbi putem ugovornog organa u roku od pet (5) dana od dana prijema Odluke.

Rektor


Prof. dr. Rifat Škrijelj

Dostaviti:

1. Network I d.o.o. Bijeljina, Potporučnika Smajića 26, 76300 Bijeljina
2. Aspo rail d.o.o., Sarajevo, Alipašina 53, 71000 Sarajevo
3. Elur d.o.o. Kiseljak, Žrtava domovinskog rata 2, 71250 Kiseljak
4. Emado d.o.o., Azize Šaćirbegović 112, 71000 Sarajevo
5. Rebus d.o.o. Derviša Numića 1a, 71000 Sarajevo
6. u dosije javnih nabavki
7. web stranica unsa.ba
8. Generalni sekretar UNSA
9. Služba za računovodstvo i finansije
10. a/a